

## AKT THEMELIMI

### PER SHOQERINE TREGTARE "Delta. CO" Sh.p.k. ME SELI NE ELBASAN



Sot me date 08. 03. 2001, Ortaku Themelues :

Shahin Qamil Muca, lindur ne Vlore e banues ne Tirane, i datelindjes, 03. 02. 1941 me Nr. 1758207 te Pasaportes, person madhor dhe me zotesi te plote juridike per te vepruar, i cili me vullnetin e tij te lire e te plote, te shprehur nepermjet ketij akti themelimi ra dakort per krijimin e Shoqerise Tregtare "Delta. CO" Sh.p.k. me kushtet e meposhteme:

#### **NENI 1.**

Shoqeria tregtare "Delta. CO" Sh.p.k. themelohet si Shoqeri Tregtare, bazuar ne ligjin Nr.7638 date 9.11.1992 "Per Shoqerite Tregtare".

Ajo eshte Person Juridik Privat Shqiptar.

Selia e saj ndodhet ne Qytetin e Elbasanit, me adrese ne Autostrada Elbasan.

#### **NENI 2.**

Veprimtaria e Shoqerise bazohet ne normat e ketij Akti Themelimi, Statutit te Shoqerise, si dhe Legjislacionit Shqiptar ne fuqi.

Themeluesi i saj mbane pergjegjesi vetem per detyrimet qe krijon Shoqeria.

#### **NENI 3.**

Kapitali themeltar i Shoqerise eshte i perbere nga kontributi i ortakut themelues ne vleren 100 000 (nje qindmije) leke.

Kapitali themeltar eshte investuar nga Ortaku Themelues Shahin Muca ne gjithë madhesine e tij dhe ne masen 100 % te vleres se kapitalit themeltar.

Vleresimi kapitalit themeltar eshte bere nga Ortaku Themelues me rastin e miratimit te ketij Akti Themelimi dhe eshte nenshkruar prej tij.

Vleresimi i metejsheem i kapitalit themeltar nuk lejohet.

#### **NENI 4.**

Shoqëria ka të depozituar në Bankën "BANKA ITALO - SHQIPTARE" me seli në qytetin e Tiranës, kapitalin në të holla, i cili depozitohet në llogarinë "Shoqëri në Formim e Siper" dhe në datën e nënshkrimit të këtij Akti Themelimi.

Mbas regjistrimit të Shoqërisë kjo shumë do të kalojë në llogarinë e kësaj Shoqërie që do të çelët pranë Bankës "BANKA ITALO - SHQIPTARE".

Në llogarinë e Shoqërisë çelët llogaria "Fondi Themeltar i Ortakut" ku regjistrohet sasia e kapitalit të tij.

## **NENI 5.**

Objekti i Veprimtarisë të shoqërisë.

Shoqëria do të ketë si objekt të veprimtarisë së saj :

- Import - eksport dhe shitblerje me pakice dhe shumice të mallrave industriale, ushqimore, blegtorale, bujqësore, lendeve të para, pjesëve të kembimit për makina të gjitha tonazheve, cigare, medikamente mjeksore, pajisjeve elektrike, elektronike, hidrosanitare, hidraulike, duraluminit, pllakave të të gjitha llojeve, plastikes, gomes, bimeve mjeksore, lëndës drusore e mobiljeve, makinave të të gjitha llojeve e tonazheve, të linjave të prodhimit dhe të perpunimit, konfeksioneve e të parfumerisë, por pa u kufizuar vetëm në këto.
- Aktivitet në fushën e tregtisë së Barit, Restorantit e Hotelerisë, duke përfshirë këtu të gjitha ambientet argetues në funksion të tyre si, disko, klube nate, e lojra të ndryshme arketuese në funksion të tyre
- Aktivitet në fushën e ndërtimit të gjitha llojeve, duke përfshirë këtu ndërtime për qëllime banimi, ndërtime me karakter social, kulturor, industrial, kanalizime, rehabilitime rrugësh ndërtimin e tyre etj., por gjithnjë duke mos u kufizuar vetëm në të dhe në përputhje me legjislacionin në fuqi në këto fushë.
- Prodhimi dhe tregtimi i materialeve të ndërtimit, import eksporti i tyre brenda dhe jashtë vendit për llogari të vetë shoqërisë dhe të treta.
- Veprimtari në fushën e turizmit, me qëllim ngritjen e hoteleve dhe të fshatrave turistike të pushimit, plazheve, qendrave të arketimit, brenda dhe jashtë vendit, të blejë, të marrë me qera, të ndërtojë apo të nxisë ndërtimin e tyre, duke vepruar në këto fushë e vetme apo me partnerë të tjerë.
- Të shërbejë si përfaqësuese shitje e marketingu, agjent shitje për Shoqëri vendase dhe të huaja. Të angazhohet në shitje me shumice dhe pakice dhe të hapë dyqanë për këto qëllim, dege apo zyra po të jete e nevojshme për arritjen e qëllimit të Shoqërisë.
- Pjesëmarrje në tendera, ankande të organizuara nga persona juridik ose shteti në të gjitha fushat e ekonomisë.

- Shoqeria kryen cdo lloj veprimarie te dobishme per arritjen e objektit te saj, duke perfshire dhe veprime per shit - blerje sendesh te luajtshme ose marrjen me qera te tyre per nevojat e shoqerise si dhe pjesmarrje me kuota dhe aksione ne shoqeri te tjera.

#### **NENI 6.**

Shoqeria do te funksionoje me nje afat kohor te pa kufizuar. Afati i fillimit te veprimtarise fillon mbas regjistrimit te Shoqerise ne Rregjistrin Tregtar.

#### **NENI 7.**

Ortaku Themelues mund te heqe dore nga Shoqeria por gjithnje per shkaqe te perligjura.

Heqia dore nuk e shkarkon Ortakun, nga detyrimet e Shoqerise deri ne momentin e heqies dore.

#### **NENI 8.**

Investimet dhe veprimtaria e Shoqerise gezojne mbrojtjen e shtetit Shqiptar, i cili krijon te njejtat kushte si per subjektet shqiptare ashtu edhe ato te huaja.

#### **NENI 9.**

Fitimi i realizuar kalon ne pronesi te ortakut themelues.

Fitimi eshte lirisht i transferueshem brenda edhe jashte shtetit shqiptar.

#### **NENI 10**

Ortaku Themelues ka sidomos keto detyrime:

- Te regjistroje Shoqerine ne Rregjistrin Tregtar dhe te marri lejen e ushtrimit te aktivitetit te veprimtarise se tyre.
- Te derdhe kapitalin e nevojshem per fillimin e aktivitetit te Shoqerise.
- Te siguroje mjediset e nevojshme per fillimin e aktivitetit, makinerite, lendet e para e ndihmese.
- Te siguroje mundesite e specializimit te fuqise punetore dhe specialisteve per zhvillimin e aktivitetit te Shoqerise.
- Te siguroje objektet dhe makinerite e Shoqerise nga cdo lloj demtimi.
- Te menaxhoje prodhimin e ta reklamojne ate nepermjet mjeteve te ndryshme te informacionit.

#### **NENI 11.**

Organet drejtuese te Shoqerise jane :

Asambleja e Ortakut te Vetem.

Administratoret.

Ekspertet Kontabel.

Menyra e veprimtarise se tyre eshte percaktuar ne Statutin e Shoqerise.

**NENI 12.**

Ortaku i detyrohet te ruaje sekretin e themelimit dhe te veprimtarise se Shoqerise. Te punesuarit dhe te ngarkuarit me drejtimin e Shoqerise mbajne pergjegjesi dhe detyrohen te zhdenroje Shoqerine per demet qe i jane shkaktuar per faj te tyre gjate ushtrimit te veprimtarise se tyre.

**NENI 13.**

Ortaku mund te vendose me vullnetin e tij, per pjesmarrjen ne Shoqeri te tjera dhe te krijojte cdo lloj aktiviteti tjeter privat.

**NENI 14.**

Mosmarrveshjet per themelimin e Shoqerise zgjidhen nga vete Ortaku themelues i Shoqerise me dhe kur kjo nuk arrihet, ato zgjidhen nga gjykata kompetente.

Gjykata kompetente per zgjidhjen e mosmarrveshjeve eshte Gjykata e Rrethit Elbasan.

**NENI 15.**

Akti i Themelimit pasi u lexua nga Ortaku Themelues u nenshkrua prej tij pa verejtje para Noterit te vendit te themelimit te Shoqerise.

**ORTAKU THEMELUES**

**Shahin MUCA**  
**Perfaqesues me Prokure**

**Av. Artan Hajdari**

